

欽定四庫全書

子部

神農本草經疏卷

二十七至
三十



南京中醫藥大學圖書館版權所有

詳校官太醫院吏目臣周世泰


編修臣倉聖脈覆勘

欽定四庫全書

神農本草經疏卷二十七

總三十種今疏其要者八種

明 繆希雍 撰



胡荽

瓜蒂

白芥

芥

苦菜

苜蓿

胡荽味辛溫

微寒微毒消穀治五藏補不足利大小腸

萊菔

白冬瓜

通小腹氣拔四朮熱止頭痛療沙癰豌豆瘡不出作酒
散之立出通心竅

疏○胡荽稟金氣多火氣少故味辛香氣溫微毒入
足太陰陽明經辛香走竅而入脾故主消穀利大小
腸通少腹氣脾胃為邪熱所干則頭痛四肢熱辛溫
發散二經之邪則頭痛四肢熱自拔沙癰痘瘡出不
快者外為風寒所侵或穢氣所觸也辛溫祛風寒香
竅辟穢氣則腠理通暢而痧癰痘瘡皆出矣通心竅

治五臟補不足者總言其辛香內通心脾外達腸胃除一切不正之氣則真氣安和斯有補益之道耳
子亦能發痘癰殺魚腥

主治參互

經驗後方癰疽出不快用胡荽二兩切以酒二大盞煎沸沃之以物蓋定勿令洩氣候冷去滓微微含噴從項背至足令遍勿喫頭面
子母祕錄肛門脫出
胡荽一升切燒烟熏之即入
外臺祕要牙齒疼痛

胡荽子五升水五升煮取一升含嗽

簡誤

胡荽辛香發散氣虛人不宜食癰疽出不快非風寒
外侵及穢惡之氣觸犯者不宜用孟詵云多食損人
精神華陀云胡臭口臭蠟齒脚氣皆不可食令病加
甚陳藏器云久食令人多忘發腋臭根發痼疾凡服
一切補藥及藥中有白朮牡丹者咸忌之

瓜蒂味苦寒有毒主大水身面四肢浮腫下水殺蠱毒

欬逆上氣及食諸果病在胸腹中皆吐下之去鼻中息
肉療黃疸

疏○瓜蒂感時令之火熱稟地中之伏陰故其味苦
氣寒有小毒氣薄味厚浮而升陰多於陽酸苦湧泄
為陰故也入手太陰足陽明足太陰經其主大水身
面四肢浮腫黃疸者皆脾胃虛水氣溼熱乘虛而客
之也苦以湧泄使水溼之氣外散故能主之經曰在
高者因而越之病在胸膈則氣不得歸元而為欬逆

上氣吐出胸中之邪則氣自順欬逆止矣殺蠱毒者亦取吐出之義去鼻中息肉者以其苦寒能除肺家之熱也日華子治腦塞熱艱眼昏吐痰好古得麝香細辛治鼻不聞香臭及吐風熱痰涎風眩頭痛癰瘤喉痺頭面有溼氣傷寒客水胸中傷食脹滿下部無脉等證皆借其宣發湧泄引涎追淚之功耳

主治參互

仲景傷寒論病如桂枝證頭不痛項不强寸脉微浮

胸中痞鞭氣上衝咽喉不得息者此胸中有寒也當
吐之宜瓜蒂散用瓜蒂赤小豆等分為散取一錢以
香豉一合用熱湯七合煮作稀糜去滓取汁和散頓
服之不吐少少加得快吐乃止 溼家病身上疼痛

發熱面黃而喘頭痛鼻塞而煩其脉大自能飲食腹
中和無病病在頭中寒溼故鼻塞內藥鼻中則愈瓜
蒂散主之 太陽中暍身熱疼重而脉微弱此因夏
月傷冷水水行皮中所致宜吐之瓜蒂散 病胸上

諸實胸中鬱鬱而痛不能食欲使人按之而反有涎
唾下利日十餘行其脉反微寸口脉微滑此可吐之
吐之則利自止 宿食在上脘者當吐之 病人手
足厥冷脉乍結以客氣在胸中心下滿而煩欲食不
能食者當吐之 懊憹煩躁不得眠未經汗下者謂之
實煩當吐之已上悉用瓜蒂散皆仲景法 東垣曰
難經云上部有脉下部無脉其人當吐不吐者死此
飲食內傷填塞胸中食傷太陰則風木生發之氣伏

于下宜瓜蒂散吐之內經所謂木鬱達之也吐去上焦有形之物則木得舒暢天地交而萬物通矣諸亡血家不可與瓜蒂散 冠氏衍義風涎暴作氣塞倒

仆用瓜蒂末二錢膩粉一錢七以水半合調灌良久涎自出不出含沙糖一塊下咽即涎出也 千金翼

熱病發黃瓜蒂為末以大豆許吹鼻中取出黃水乃愈 孟詵食療陰黃黃疸取瓜蒂丁香赤小豆各七枚為末吹豆許鼻中少時黃水流出隔一日用瘥乃

止并治身面浮腫 活人書濕家頭痛瓜蒂末一字
嚙入鼻中口含冷水取出黃水愈 聖惠方鼻中息
肉瓜蒂末白礬末各半錢綿裹塞之或以猪脂和挺
子塞之日一換

簡誤

瓜蒂極苦而性上湧能損胃傷血耗氣損神凡胸中
無寒胃家無食皮中無水頭面無濕及胃虛氣弱諸
亡血諸產后似中風倒仆心虛有熱癰瘤女勞穀疸

元氣尪羸脾虛浮腫切勿誤用誤用則為害非細傷
生不淺戒之慎之

白冬瓜味甘微寒主除小腹水脹利小便止渴

疏○白冬瓜內稟陰土之氣外受霜露之侵故其味
甘氣微寒而性冷利無毒水屬陰瓜性亦屬陰氣類
相從故能利小便除小腹水脹也甘寒解胃中之熱
故又能止渴也弘景止消渴煩悶解毒孟詵益氣耐
老除心胸滿去頭面熱大明消熱毒癰腫切片摩癰

子蘓頌利大小腸壓丹石毒皆得其旨者也

主治參互

孟詵食療積熱消渴白冬瓜去皮每食後嚼二三兩
五七度良 古今錄驗產後痢渴久病津液枯竭四
肢浮腫口舌乾燥用冬瓜一枚黃土泥厚五寸煨熟
絞汁飲良亦治傷寒痢渴 楊氏家藏方十種水氣
浮腫喘滿用大冬瓜一枚切蓋去瓢以赤小豆填滿
蓋合簽定以紙筋泥固濟日乾用糯糠兩大羅入瓜

在內煨至火盡取出切片同赤豆焙乾為末水糊丸
梧子大每服七十九煎冬瓜子湯下日三服小便利
為度 冬瓜仁味甘寒能開胃醒脾同橘紅石斛竹
茹枇杷葉白芍藥蘆根汁人參白茯苓治胃虛嘔吐
同人參茯苓神竹瀝白茯苓黃耆甘草白芍藥酸棗
仁治小兒慢脾風

簡誤

冬瓜性冷利凡臟腑有熱者宜之若虛寒腎冷久病

滑洩者不得食未經霜者不宜多食九月後食之乃

佳

白芥味辛溫無毒主冷氣色白甚辛美子主射攻及
疰氣上氣發汗胸膈痰冷面黃

疏○芥稟火金之氣以生而白芥則又得金氣之勝
故味辛氣溫無毒辛溫入肺而發散故有溫中除冷
發汗辟邪豁痰利氣之功朱震亨云痰在脇下及皮
裏膜外非白芥子莫能達古方控涎丹用之正此義

爾

主治參互

韓悉醫通云凡老人苦于痰氣喘嗽胸滿懶食不可
妄投燥利之藥反耗真氣因有人求治其親遂制三
子養親湯治之隨試隨効用白芥子紫蘇子白萊菔
子各微炒研破看所主為君每劑不過三四錢用絹
袋盛入湯煮飲之勿煎太過則味苦辣若大便素實
者入蜜一匙冬月加薑一片 蘇恭主症氣發無常